

GODIŠNJA SKUPŠTINA EUROGEOGRAPHICSA

05.10.2016 11:38



U Budimpešti (Mađarska) je od 2 do 4. oktobra održana redovna godišnja skupština Eurogeographicsa, neprofitabilne organizacije koja okuplja i predstavlja katastarske i kartografske evropske agencije. Eurogeographics ima 60 agencija svojih članica iz 46 zemalja. U okviru skupštine održano je niz zanimljivih prezentacija i predavanja. Direktor geodetske uprave Švedske Bengt Kjellson je predstavio dosadašnja iskustva i očekivanja u implementaciji IMPULS projekta – regionalnog projekta zemalja jugoistočne Evrope koji se finansira sredstvima Vlade Kraljevine Švedske, a čiji je osnovni cilj pomoći u uspostavljanju i razvijanju infrastrukture prostornih podataka zemljama jugoistočne Evrope, a sve u duhu INSPIRE direktive Evropske unije. Također, bitno je izdvojiti i okrugli sto na kojem su obrađene teme o ulozi nove tehnologije u katastarskim agencijama i o budućnosti i ulozi katastra u kreiranju i distribuciji

geoinformacija i razmijeni znanja.

U okviru skupštine izvršen je novi izbor članova Upravnog odbora Eurogeographicsa. U sljedeće dvije godine član Upravnog odbora bit će i Darko Vučetić, predstavnik Republičkog geodetskog zavoda Srbije.

Trećeg dana zasjedanja održana je i osnivačka skupština UNGGIM-a (Europe Regional Committee of United Nations Global Geospatial Information Management). Zadaća ovoga tijela će biti rad na globalnom i regionalnom nivou u cilju poboljšanja upravljanja geoinformacijama. U ime Federalne uprave za geodetske i imovinsko-pravne poslove, koja je aktivna članica Eurogeographicsa i UNGGIM-a, skupštini je prisustvovao direktor Željko Obradović.